

ओम् । प्राणभृत उपदधाति । प्राणा वै प्राणभृतः प्राणानेवैतदुपदधाति ताः  
 प्रथमायां चिता उपदधाति पूर्वार्धे एषोऽग्रेयत्प्रथमा चितिः पुरस्तात्तत्प्राणान्दधा-  
 ति तस्मादिमे पुरस्तात्प्राणाः ॥ १ ॥ ता दश-दशोपदधाति । दश वै प्राणा यदु-  
 वाऽअपि बहु कृत्वो दश-दश दशैव तत्पञ्च कृत्वो दश-दशोपदधाति पञ्च वा-  
 ऽएतान्पशूनुपदधाति दश-दश वाऽएकैकस्मिन्पशौ प्राणास्तदेषु सर्वेषु प्राणान्द-  
 धात्यनन्तर्हिताः पशुभ्य उपदधात्यनन्तर्हितास्तत्पशुभ्यः प्राणान्दधाति सर्वत उप-  
 दधाति सर्वत एवैधेतत्प्राणान्दधाति ॥ २ ॥ यद्वै प्राणभृत उपदधाति । प्रजापते-  
 र्विस्तस्तात्प्राणा उदक्रामन्देवता भूवा तानब्रवीदुप मेत प्रति मऽएतद्वत्त येन मे  
 यूयमुदक्रमिष्टेति स वै तदन्नं सृजस्व यत्ते वयं पश्यन्त उपवसामेति ते वाऽउभ-  
 ये सृजामहाऽइति तथेति ते प्राणाश्च प्रजापतिश्चैतदन्नमसृजन्तैताः प्राणभृतः ॥ ३ ॥  
 स पुरस्तादुपदधाति । अयं पुरो भुव इत्यग्निर्वै पुरस्तद्यत्तमाह पुर इति प्राञ्च  
 ह्यग्निमुद्धरन्ति प्राञ्चमुपचरन्त्यथ यदुव इत्याह्यग्निर्वै भुवोऽग्रेर्हृदि सर्वं भवति  
 प्राणो ह्यग्निर्भूवा पुरस्तात्तस्यौ तदेव तद्रूपमुपदधाति ॥ ४ ॥ तस्य प्राणो भौवा-  
 यन इति । प्राणं तस्माद्रूपादग्नेर्निरमिमीत वसन्तः प्राणायन इति वसन्तमृतं प्रा-  
 णान्निरमिमीत गायत्री वासन्तीति गायत्रीं हृन्दो वसन्तादृतोर्निरमिमीत गायत्र्यै  
 गायत्रमिति गायत्र्यै हृन्दसो गायत्रं साम निरमिमीत गायत्रादुपाङ्शुरिति गाय-  
 त्रात्साम उपाङ्शुं ग्रहं निरमिमीतोपाङ्शोस्त्रिवृदित्युपाङ्शोर्ग्रहात्त्रिवृतं स्तोमं  
 निरमिमीत त्रिवृतो रथन्तरमिति त्रिवृत स्तोमाद्रथन्तरं पृष्ठं निरमिमीत ॥ ५ ॥